

Pilihan Raya Negeri Sarawak

Ali Biju tarik diri tanding DUN Krian

Keputusan bagi pelihara muafakat, kukuh hubungan antara PN dengan GPS

Oleh Mohd Iskandar Ibrahim dan Melvin Joni
bhnews@bh.com.my

Kuching: Datuk Ali Biju mengumumkan menarik diri sebagai calon Bebas bagi Dewan Undangan Negeri (DUN) Krian pada Pilihan Raya Negeri (PRN) Sarawak ke-12 semalam dan menyokong penuh calon Gabungan Parti Sarawak (GPS), Friday Belik.

Ali yang juga Timbalan Men-

teri Tenaga dan Sumber Ali berkata, keputusan itu bagi memelihara muafakat serta memperkukuh hubungan antara Perikatan Nasional (PN) dan GPS.

“Saya mendapat nasihat pimpinan tertinggi parti serta jaminan Presiden BERSATU yang juga Pengerusi PN, Tan Sri Muhyiddin Yassin, mengenai persefahaman kerangka besar politik nasional yang disepakati antara PN dan Tan Sri Abang Johari Openg selaku Pengerusi GPS.

“Saya penuh yakin muafakat ini adalah untuk meneruskan dan memperkukuh hubungan utuh antara PN dan GPS.

“Justeru, saya dengan rendah hati dan niat yang tulus ikhlas menarik diri sebagai calon DUN



Ali Biju

Krian dan memberi dukungan penuh kepada calon GPS, Friday Belik,” katanya dalam kenyataan di sini, semalam.

Isnin lalu, Ahli Parlimen Saratok itu menawarkan diri bertanding sebagai calon Bebas di kerusi DUN Krian yang menyaksikan persaingan empat penjurur daripada Musa Dinggat (Parti Sarawak Bersatu), Danny Kuan (Parti Bumi Kenyalang) dan Friday.

Ali berkata, keputusannya menawarkan diri sebagai calon Bebas di DUN Krian yang diwakili sejak 2011 dibuat selepas mengambil kira pandangan dan desakan pimpinan masyarakat dan pengundi.

“Bagaimanapun, saya mengin-



Kibaran bendera GPS dan Parti Sarawak Bersatu (PSB) semakin memenuhi sekitar pekan Sibul, semalam. (Foto BERNAMA)

safi hakikat keputusan itu akan menjejaskan hubungan baik di antara BERSATU dan GPS.

“Saya harap seluruh pengundi di DUN Krian, DUN Kalaka dan DUN Kabong yang semuanya di bawah Parlimen Saratok untuk memberi dukungan padu kepada calon GPS,” katanya.

Sementara itu, Ketua Badan Pimpinan BERSATU Sarawak,

Senator Jaziri Alkaf Abdillah Suffian, berkata pihaknya akur dengan keputusan parti mengambil tindakan tegas terhadap mana-mana ahlinya bertanding pada PRN-12 tanpa kebenaran.

Tindakan itu, katanya, melanggar perlembagaan parti dan boleh dikenakan tindakan tegas termasuk membatalkan keahlian serta-merta.

BANK PERTANIAN MALAYSIA BERHAD 200601010502 (8118104)



PROGRAM MODENISASI RANTAIAN NILAI AGROMAKANAN

merupakan

kemudahan pembiayaan yang ditawarkan melalui Agrobank



INGIN TAHU?
sila imbas KOD QR untuk maklumat lanjut



Cetakan: Disember 2021